

## Odiyifo Habakuk Nhoma

<sup>1</sup> Eyi ne asem a odiyifo Habakuk nya fii Awurade nkyen wɔ anisoadehu mu.

### *Habakuk Anwiinwii*

<sup>2</sup> AWURADE, enkosi da bɛn na memfre nsre mmoa,  
nanso wontie me?  
Meteɛ mu frɛ, “Akakabensem!”  
nanso womma mmegye me.

<sup>3</sup> Aden na woma mehwɛ ntɛnkyew?  
Aden nti na wotena bone ho?  
ɔsɛe ne akakabensem da m'anim,  
basabasayɛ ne abεbresɛ atwa me ho ahyia.

<sup>4</sup> Enti mmara nyɛ adwuma  
na atɛntrenee nni baabiara,  
atirimɔdenfo aka atreneefo ahyɛ,  
enti wɔkyea atemmu.

### *Awurade Mmuae*

<sup>5</sup> “Hwɛ aman no,  
na wo ho bedwiriw wo!  
Merebɛyɛ biribi wɔ wo bere so,  
na se wɔka kyere wo a,  
worennye nni.

<sup>6</sup> Merema Babiloniafo asɔre,  
ɔman a wɔye atirimɔdenfo ne ntɔkwapɛfo;  
wobu fa asase nyinaa so,  
na wɔfa tenabea a εnyɛ wɔn de.

<sup>7</sup> Wɔn ho yɛ hu na nnipa suro wɔn;  
wɔye wɔn koko so ade,

de pe anuonyam ma wɔn ho.

<sup>8</sup> Wɔn apɔnkɔ ho ye hare sen asebo,  
na wɔn ho ye hu sen pataku a ɔnam anadwo,  
wɔn apɔnkɔsotefo kɔ wɔn anim mmarima so,  
wɔfi akyirikyiri nsase so,

na wɔbɔ hoo se akorɔma a ɔrekɔkyere aboa.

<sup>9</sup> Wɔn nyinaa ba se wɔrebeyε basabasayε.  
Wɔn dɔm pem kɔ wɔn anim te se nweatam so  
mframa,

na wɔtase nneduafø se nwea.

<sup>10</sup> Wodi ahene ho few,  
wɔka aman sodifo anim,  
na wɔtwee nkurodropɔn a εwɔ bammo dennen.

Wosisi dɔte mpie nam so kyekyere atamfo.

<sup>11</sup> Wɔbɔ hoo te se mframa kɔ wɔn anim.  
Afɔdifo a wɔn ahɔdden ye wɔn nyame."

### *Habakuk Nwiinwii Bio*

<sup>12</sup> AWURADE, wunni hɔ fi tete ana?

Me Nyankopɔn, me Kronkronni, wo a wote  
ase daa.

Wo, AWURADE, woapaw wɔn se wommu aten;  
wo, me Botantim, woahye wɔn se wɔntwe  
aso.

<sup>13</sup> W'aniwa ye kronkron a wuntumi nhwε  
nnebɔne;  
wunnyigye nnebɔne so.

Na aden nti na wugyigye nnipa akɔntɔnkye so,  
na den nti na wayε komm wɔ bere a  
atirimɔdenfo rememene atreneefo?

<sup>14</sup> Woama nnipa ayε se nsumnam a εwɔ po mu,  
te se abɔde a εwɔ po mu a wonni sodifo.

<sup>15</sup> ɔtamfo tirimɔdenfo no de darewa yi wɔn,  
ogu n'asau de buma wɔn,  
na afei ɔsεrew ne ho ma n'ani gye.

<sup>16</sup> Ne saa nti ɔbɔ afoře ma n'asau  
na wahyew aduhuam ama no,  
efisɛ asau yi so na ɔnam nya yiyedi,  
na odi n'akɔnno aduan.

<sup>17</sup> Enti ɔnkɔ so nni n'asau mu nam,  
na ɔmfa atirimɔden nsɛe aman ana?

## 2

<sup>1</sup> MEGYINA m'ahwɛe na mawɛn.  
Mɛbɔ nsra  
na mahwɛ nea ɔbɛka akyerɛ me,  
ne m'anoyi a mede bɛma nkurobɔ yi.

### *Awurade Mmuae Foforo*

<sup>2</sup> Afei, AWURADE buae se,  
"Kyerew adiyi yi wɔ ɔbopon so  
ma mu nna hɔ pefee  
na ama ɔkenkanfo ate ase.

<sup>3</sup> Adiyisɛm no retwɛn nkrabea bi;  
ɛka awie i ho asem  
na ɛbɛba mu.  
ɛwɔ mu sɛ ɛrekyɛ de, nanso twɛn,  
ɛrenkyɛ, ɛbɛba mu.

<sup>4</sup> "Hwɛ, ɔtamfo no ama ne ho so;  
n'apede nteɛ,  
nanso ɔtreneeni fi gyidi mu benya nkwa.

<sup>5</sup> Nokware, nsa yi no ma  
wayɛ ahantan na onni ahoto.  
Esiane sɛ ɔyɛ adifudepɛ sɛ ɔda  
na ɔte sɛ owu a hwee mmee no nti  
ɔfom aman no nyinaa  
na ɔfa nnipa no nyinaa nnommum.

- 6 “Nnommumfo yi nyinaa bedi ne ho few aserew no aka se,  
 “‘Nname nka nea ɔboaboa akorɔnne ano,  
 na ɔnam apoobɔ so nya ne ho!  
 Eyi nkɔ so nkosi da bɛn?’
- 7 So wɔn a wode wɔn ka no rensore mpofirim ana?  
 Wɔbesore ama wo ho apopo,  
 na wobetwiw afa wo so.
- 8 Esiane sɛ woafow aman bebree nti,  
 wɔn a wɔaka no bɛfow wo bi.  
 Efise woahwie nnipa mogya agu;  
 woassee nsase, nkuropon ne wɔn a wɔtete mu.
- 9 “Nname nka nea ɔde akorɔnne kyekyere ne man,  
 a ɔyɛ ne berebuw wɔ sorɔnsorɔmmɛa,  
 senea obeyi ne ho afi ɔsɛe mu.
- 10 Woatu nnipa bebree sɛe ho agyina,  
 de agu wankasa fi anim ase, de wo nkwa atwa so.
- 11 Abo a ɛhyehyɛ afi afasu mu no bɛteɛ mu,  
 na ebegyigye wɔ mpuran a wɔahyehyɛ no mu.
- 12 “Nname nka nea ɔnam mogyahwiegū so kyekyere kuropɔn  
 na ɔnam awudi so kyekyere kurow.
- 13 Asafo AWURADE ahye sɛ,  
 nnipa no adwumayɛ bɛyɛ ogya a wɔhyew.  
 Aman no brɛ gu kwa.
- 14 Na AWURADE anuonyam ho nimdeɛ bɛhyɛ asase nyinaa ma,  
 senea nsu hyɛ po ma no.

- 15 "Due! Wo a woma wo mfεfo nsa,  
     Wuhwie ma wɔnom kosi se wɔbεbow,  
     na afei woahwε wɔn adagyaw.
- 16 Worennya anuonyam biara, w'ani bewu.  
     Afei adu wo so! Nom na w'adagyaw mu nna  
     ho.
- Kuruwa a efi AWURADE nsa nifa reba wo so,  
     na aniwu békata w'antuonyam so.
- 17 Awurukasem a wode adi Lebanon no bεmene  
     wo,  
     ɔsεe a wosεe mmoa nso bεbε wo hu.
- Woaka nnipa mogya agu;  
     woasεe nsase, nkuropon ne nnipa a wɔwɔ  
     mu.
- 18 "Mfaso bεn na munya fi ahoni a nipa aye mu?  
     Anaa nsesode a εkyerεkyere atoro?
- Nea ɔyε ohoni no de ne ho to ɔno ankasa nsa ano  
     adwuma so;  
     na ɔyε anyame a wontumi nkasa.
- 19 Nnome nka nea ɔka kyere dua se, 'Nya nkwa!'  
     Anaa ɔka kyere ɔbo a enni nkwa se, 'Nyan!'  
Ebetumi ama akwankyerε?  
     Wɔde sika kɔkɔɔ ne dwetε adura ho;  
     nanso ɔhome nni mu."
- 20 Nanso AWURADE wɔ n'asɔrefi kronkron mu.  
     Momma asase nyinaa nyε komm wɔ n'anim.

### 3

#### *Habakuk Mpaebɔ*

- <sup>1</sup> Saa mpaebɔ yi, Habakuk too no se dwom:  
<sup>2</sup> AWURADE, mate wo ho nsεm nyinaa,

Na w'anwonwadwuma a woayε no, me ho  
adwiriw me.  
Yε no foforo wɔ yεn mmere so.  
Yεn mmere yi mu, ma wonhu.  
W'abufuwhyew mu no, kae wo  
mmɔborɔhunu.

<sup>3</sup> Onyankopɔn fi Teman bae,  
ɔkronkronni a ofi Bepɔw Paran so,  
N'anuonyam kata ɔsoro,  
na n'ayeyi hyε asase so ma.

<sup>4</sup> ɔhyerɛn se anɔpawia  
Hann no nsensanee twa yerɛw fi ne nsam,  
ɛhɔ na ne tumi ahintaw.

<sup>5</sup> ɔyaredɔm di n'anim ko;  
Na nsanyare di n'akyi pεε.

<sup>6</sup> Sε ogyina a, asase wosow.  
Sε ɔhwε a, ɔma aman wosow.

Tete mmeƿow dwiriwii,  
na nkoko a efi tete no ka kataa so.  
N'akwan ntwa mu da.

<sup>7</sup> Mihuu Kusanfo ntamadan a atetew  
ne Midianfo\* atenae a agyigya.

<sup>8</sup> AWURADE, wo bo fuw nsubɔnten no?  
W'abufuw no tiaa nsuwansuwa no?  
Wosɔre tiaa po,  
bere a wo ne w'apɔnko  
ne nkonomdi nteaseenam nam no.

<sup>9</sup> Wuyii wo tadua,  
Woma wɔde agyan bebree brεε wo.

---

\* <sup>3:7</sup> Kusan...Midian—Wɔyε Araia mmusuakuw.  
Awerɛhow...ahoyeraw—Bere a woyii Israelfo fii Misraim  
nkosaom mu no, nnipa a wɔbemmen wɔn no bɔɔ hu. (2 Mose  
15.14-16; Yos 2.9-10).

- Wode nsubɔnten paapae asase mu.
- 10 Mmepɔw huu wo, na wɔwosowee  
Osuhwteam besen kœ.  
Bun no woroo so,  
na ehuru baa soro.
- 11 Owia ne ɔram gynagyinaa sorosoro hɔ,  
bere a wohuu w'agyan a enenam wim no  
hann,  
ne wo peaw a εpa yerɛw yerɛw no.
- 12 W'abufuwhyew mu no, wonantew twaa asase  
so  
na wode abufuw tiatiaa aman no so.
- 13 Wobaa se worebegye wo nkurɔfo,  
na woagye nea wɔasra no no nkwa.  
Wopetew atirimɔdenfoman no kannifo,  
wopaa ne ho ntama fi ne ti so kosii ne nan  
ase.
- 14 Wode n'ankasa peaw hwirew ne ti mu,  
bere a n'akofo bɔɔ yerɛde se wɔrebɛhwete  
yen mu.
- Wɔrɛɛ se wɔbɛtɔre  
mmɔborɔfo a wɔakɔ agua no ase koraa.
- 15 Wode w'apɔnkɔ tiatiaa po no mu,  
ma asu kese no hurui.
- 16 Metee no, me koma tui,  
nnyigyei no maa m'ano poo biribiri;  
ɔporɔw hyen me nnompe mu,  
na me nan wosowee.
- Nanso metɔ me bo ase atwɛn akosi se  
amanehunu da bɛba ɔman a wɔtow hyɛɛ yen  
so no so.
- 17 Ɛwɔ mu, borɔdɔma nnua no nguu nhwiren,  
na aba nso nni bobe no so;  
ɛwɔ mu, ngodua no adi huammo  
na mfuw no mmɔ aduan.

Ɛwɔ mu, nguan biara nni buw no mu,  
na anantwi nso nni ban no mu.  
18 Nanso m'ani begye AWURADE mu;  
me ho bɛseɛrew me wɔ Onyankopɔn a  
ɔyε m'agyenkwa no mu.

19 Otumfo AWURADE ye m'ahoođen.  
ɔma me nan ye se ɔforote de,  
ɔma me nantew sorɔnsorɔmmea.  
Wɔmfā mpae yi mma nnwonto kwankyerɛfo no.  
Na wɔnto no wɔ m'asanku no so.

**Biblica® Wonhia εho kwamma nhoma  
Akuapem Twi Nkwa Asem™  
Twi: Biblica® Wonhia εho kwamma nhoma  
Akuapem Twi Nkwa Asem™ (Bible)**

copyright © 2020 Biblica, Inc.

Language: Akuapem Twi (Twi)

Dialect: Akuapem

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: "The original work by Biblica, Inc. is available for free at [www.biblica.com](http://www.biblica.com) and [open.bible](https://open.bible)."

Notice of copyright must appear on the title or copyright page of the work as follows:

Biblica® Open Akuapem Twi Contemporary Bible™

Copyright © 1996, 2020 by Biblica, Inc.

"Biblica" is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

Biblica® is a trademark registered in the United States Patent and Trademark Office by Biblica, Inc. and may not be included on

any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-04-09

---

PDF generated using Haiola and XeLaTeX on 18 Apr 2025 from source files dated 29 Jan 2022  
db9c1a75-e6f7-5999-979b-02f8eb612f40